

中興禮書

中興禮書第二百七十一卷

凶禮三十六

顯仁皇后

遷奠掩橫宮

紹興二十九年十一月八日禮部太常寺言將來顯仁
皇太后攢掩宮今參酌條具下項 一檢照昭慈聖獻
皇后禮例合用黝纁絹五匹係戶部下左藏庫支供贈
玉并匣腰與鍊鑰全係工部下文思院製造畢並付喪
葬作頭揜擎所有今來顯仁皇太后發引除贈玉已降
到外其合用黝纁并盛置贈玉匣等並欲乞依禮例施
行 一贈玉製度今考周禮典瑞注曰贈玉蓋璧也又
三禮圖云玉人造璧應圓圓徑九寸又引爾雅云肉位

好謂之璧郭璞云肉邊也好孔也然則兩邊各三寸與三寸之好共九寸也阮鄭二圖云璧九寸厚寸准尚書省孔子御前降到蒼玉璧一件下太常寺其尺寸制度可以充顯仁皇太后贈玉使用 一依故事將來掩橫宮時行在文武百僚詣文德殿進名奉慰皇后仍乞百司作休務假一日及掩橫宮日總護使率應在橫宮官進發奉慰并進賤慰皇后 一合用祝文二首一首述掩橫宮之意 御封降真香二合白幣二段 一羊豕各二及禮料酒齋等乞從太常寺具合用數牒報給興府排辦 一橫宮合用梓宮待時幔次乞下頓遞使司行下所屬預先相度絞縛釘設所有方位乞令太史局指引利方 一奉安虞主乞於橫宮獻殿上安奉次行

虞祭禮所有合用安奉倚卓香爐匙合炭火等乞下主管諸司排辦 一遷奠掩橫宮行禮儀注乞從太常寺修定闕報 一依昨顯肅皇后梓宮到橫宮捧梓宮升獻殿權安奉以俟遷奠掩橫宮所有今來顯仁皇太后橫宮到橫宮欲依故事施行 一今來顯仁皇太后重欲乞依昭慈聖獻皇后禮例如橫宮不可安設即乞隨方相等於利方焚燒內銘旌黝纁贈玉即乞依顯肅皇后禮例並入橫宮安設詔依

同日又言下項 一將來梓宮發引至橫宮用十一月二十六日掩橫依禮例前一日奏告昭慈聖獻皇后橫宮徽宗皇帝橫宮顯恭皇后御容顯肅皇后橫宮懿節皇后橫宮其奏告官乞依例下紹興府大宗正司差南

班宗室五員紹興府差太祝五員於奏告前一日赴泰寧寺致齋所有合用御封香祝文乞從太常寺具合用數闕所屬請降付兩橫官司交割至日行禮使用并合用供養茶酒果等乞從紹興府依自來奏告禮例排辦

一將來梓宮發引至橫宮行遷奠掩橫宮并虞祭之禮其合用御封香祝文禮料祭器牙床並合預先排辦般拏渡江前去橫宮詔依

十一日監察御史任文薦言承勅差監掩顯仁皇太后橫宮今參酌條具如後 一應行移文字乞以監察御史為名帶行本察印記前去行使 一今來經由昭慈聖獻皇后徽宗皇帝顯肅皇后懿節皇后橫宮許詣逐宮朝拜燒香 一往回乞免見辭所至去處如遇朝拜

及行香等並免趨赴詔依

遷奠掩櫛宮儀

其日俟大昇舉至櫛宮侍中詣大昇舉前俛伏跪奏稱
侍中臣某言請靈駕降舉升龍輜詣獻殿奏訖俛伏興
有司捧梓宮升龍輜入獻殿訖俟掩櫛日時前行遷奠
禮有司於梓宮前陳設祭器實設禮料畢先引陪位官
立定次引奉禮郎已下入就位立定次引行禮使詣梓
宮前立定禮直官贊躬拜總護使再拜在位官皆再拜
訖次引奉禮郎太祝太官令各入就位立定次引總護
使詣盥洗位盥手悅手洗爵拭爵詣酒尊所跪執爵俟
太官令酌酒訖興詣梓宮前跪上香再上香三上香奉
禮郎奉幣受幣奠幣執爵三祭酒奠爵俛伏興少立俟

太祝跪讀祝文訖總護使再拜訖復位立又再拜在位者皆再拜訖次引總護使詣望痊位立奉禮郎太祝太官令重行立定有司痊祝幣訖退俟掩櫬時至引侍中詣梓宮前俛伏跪奏稱侍中臣某言請靈駕赴櫬宮奏訖俛伏興有司捧遷梓宮赴櫬宮畢次引少保復土九錚又引御史將作監並監掩櫬宮畢次引少保復土九錚又引宗正卿行掩櫬之禮並如遷奠之儀掩櫬宮行祀畢總護使已下並易帶次內謁者浴虞主訖以羅巾拭訖次引內謁者詣櫬宮前俛伏跪奏稱內謁者臣某言請顯仁皇太后神靈上虞主奏訖俛伏興扶侍夾侍啟匱覆訖捧腰輿內侍捧遷虞主升腰輿至獻殿上南向權置定次引內謁者詣虞主腰輿前俛伏跪奏稱內謁者臣某言請顯仁

皇太后虞主降輿升座內侍捧遷虞主即座訖以俟行
虞祭之禮如別儀

几筵

紹興二十九年九月二十九日都大監領喪事所言據
太常寺贊引使臣狀勘會將來大行皇太后梓宮發引
所有几筵合乘龍輿用儀衛前去候橫殯訖回赴慈寧
殿安奉詔依

十一月十九日詔提舉欽奉顯仁皇太后几筵差張去
為

二十三日詔令來欽奉顯仁皇太后几筵應合支便錢
物金銀器皿等并料次錢並於御前請降內什物帳設
擬截庫屋等令修內司疾速製造應付其合下臨安府

等處供應物色並令用御前料次錢收買不得於臨安府等處取索

中興禮書第二百七十二卷

凶禮三十七

顯仁皇后

虞祭

紹興二十九年十一月三日禮部太常寺言今檢照故事條具申請下項 一虞主神依故事修製畢內虞主交付几筵殿神主交付太廟奉安所所有今來顯仁皇太后虞主俟文思院修製畢交付慈寧殿俟發引前二日交付監領喪事主管諸司差輦官捧擎其神主赴太廟奉安所 一依故事虞主合於太廟本室殿後瘞埋檢會昨昭慈聖獻皇后顯肅皇后虞主緣為太廟係行在俟奏請神靈上神主畢其虞主俟祔廟畢赴太廟用

寶殿權行安奉俟將來迎奉太廟還闕依故事施行所
有今來顯仁皇太后虞主欲乞依故事俟祔廟畢赴太
廟用寶殿權行安奉 一檢會昭慈聖獻皇后顯肅皇
后故事虞主曰其合用翟車綠為儀仗未備止就用已
造腰輿差革官自橫宮捧擎虞主赴本殿所有今來顯
仁皇太后虞主曰日欲乞依故事施行 一將來掩攢
宮畢浴虞主并祔廟日浴神主各合用沉檀箋茆香末
各一兩并用柴五十斤並乞報給興府并臨安府供納
一虞祭并卒哭祭其行事官今欲乞於麗正門外御
監郎官待漏院致齋所有御封香祝文并牲牢禮料酒
齋等祇應人乞於百官待漏院宿齋 一合用盥洗盤
匣并巾乞下文思院製造香爐匙合炭火燎草并焚衰

服柴草並乞下諸司排辦詔依

八月禮部太常寺言今參酌下項 一所有內謁者一

員浴虞主并奏請神靈上虞主并捧腰輿內侍四員扶

扶侍二員

並兼安奉虞主祇應

並乞下入內侍省差官 一將來

掩橫宮畢行九虞祭係宗正卿行禮欲乞差官通攝奉

禮郎太祝太官令係差禮部太常寺官充 一迎奉虞

主日百官出城常服黑帶奉迎訖次赴文德殿進名奉

慰 一九虞祭合用牲牢羊豕各九口并禮料蠟燭等

并差宰殺羊豕及饌造神食人並乞具數報紹興府并

臨安府等處排辦 一合用祝文九首

並述以行九虞祭之意 御

封降真香九合白幣九段 一自橫宮擎虞主腰輿合

用輦官乞下御輦院差撥所有威儀僧道等并執持儀

物人並乞就用發引日威儀等人 一合差奉禮郎太

祝太官令各一員乞差太常寺官充如闕及職事相妨

牒臨安府并紹興府差官 一奉迎虞主日合於殿內

設御幄施簾并黃羅拜褥奏請紫褥並乞下儀鸞司排

辦行安神虞祭此 一所有奏迎虞主行禮儀注乞從

太常寺修定 一奉迎虞主渡江其浙江稅務合用權

安奉虞主幄次并禮儀使都大主管等官以下幕次拜

褥乞令臨安府同儀鸞司釘設排辦 一奉迎虞主合

用御封降真香一合并內謁者扶侍夾侍捧腰與內侍

並乞令入內內侍省差官詔依

同日又言檢會紹興七年故事虞主更不題諡俟祔廟

前新一日書題神主今宋顯仁皇太后虞主神主欲乞依

典故施行所有合差書題神主官一員乞朝廷差官詔
恭依差端明殿學士張焘

十三日禮部太常寺言將來掩櫨宮合行九虞祭欲乞
依典故掩櫨畢宗正卿行第一虞祭禮將起發行第二
虞光相寺宿頓第三虞錢清宿頓第四虞蕭山宿頓行
第五虞其第六虞欲乞渡江訖行禮例畢迎虞主入慈
寧宮奉安依禮例皇帝服履袍導於慈寧宮門外有司
奉安訖皇帝行安神之禮其第七第八第九虞依典故
係皇帝行禮百官陪位或差有司侍祠則
百官更不陪位詔恭依第七
第八第九虞祭並親行禮

十九日禮部太常寺言將來虞主回依故事禮儀使并
宰執率百官於城外奉迎至慈寧殿門皇帝自內服履

袍詣殿門內奉迎虞主升殿訖行安神燒香禮畢還內
所有第七第八第九虞祭候定到日恭請皇帝行禮至
祔廟日皇帝詣虞主前行寧神奏辭之禮畢還內並服
履袍詔依

二十七日詔奉迎顯仁皇太后虞主虞祭卒哭禮官建
請並服履袍朕惟哀慕罔極未忍純吉可將來奉迎虞
主虞祭卒哭奉辭並用所服素黃袍黑帶素履以行禮
二十二日禮部太常寺言今條具下項 一將來皇帝
行第七第八第九虞祭日並不視事百司作休務假并
行九虞祭禮畢百僚於文德殿進名奉慰皇后 一合
用祝文三首並述以皇帝親行虞祭祀之意 一合差
讀祝文官一員乞差史官進幣爵酒官一員酌酒官一

員乞差六曹郎官前導太常卿一員贊引太常博士一員乞輪太常寺官一行安神卒哭奉辭禮合差供祠執事并捲簾侍香等內侍官一虞主回赴慈寧殿權行安奉所有合用安奉虞主椅子及虞祭卒哭祭捧遞虞主並乞令本殿官照管排辦詔依

二十四日禮部太常寺言將來奉迎虞主詣慈寧殿行安神禮畢依禮例合間日一虞級相去祔廟日遠今具虞祭日分下項十二月初三日行第七虞初六日第八虞初九日行第九虞詔恭依

親行虞祭儀

其日有司設牙床牲牢禮饌畢行禮時前御史臺開門太常寺先引文武百官詣殿下北向立班次定禮直官

引讀祝文官詣殿上東向立進幣爵酒官詣殿上西向立的酒官於殿上酒尊之後立定次禮直官太常博士引太常卿詣帷前立定皇帝自內服履袍至御禮帷直官太常卿當帷前俛伏跪奏稱太常卿臣某言請皇帝行虞祭之禮奏訖俛伏興退復位簾捲前導皇帝出帷詣殿下褥位西向立內侍啟虞主匱於後以青羅巾蓋之訖奏請拜皇帝再拜在位官皆再拜訖次內侍各執盤匱悅巾以進奏請皇帝盥手內侍沃水皇帝盥手內侍進中奏請皇帝悅手訖內侍進爵沃水奏請皇帝洗爵內侍進巾又奏請拭爵皇帝拭爵訖內侍捧爵詣酒尊所跪酌酒官搢笏跪酌酒訖執笏興內侍捧幣爵詣進幣爵酒官之後立前導官前導皇帝升殿詣虞主前

又奏請皇帝跪上香再上香三上香進幣爵酒官搢笏
跪先進幣次進爵酒又奏請皇帝少立讀祝文官搢笏
跪讀祝文訖奏請拜皇帝再拜在位官皆再拜訖次前
導皇帝降階復位西向立又奏請拜皇帝再拜在位官
皆再拜內侍啟虞主青羅巾以匱覆之訖次前導皇帝
歸御幄簾降禮直官太常博士引太常卿當幄前伏
跪奏稱太常卿臣某言禮畢奏訖伏興退復位前導
官退陪位行事官以退次第八第九虞祭並如上儀

安神卒哭祭

紹興二十九年十一月二十二日禮部太常寺言將來
顯仁皇太后靈駕掩攢宮畢虞主同日皇帝奉迎前導
并行安神禮及行卒哭祭今參酌比附到合行事件下

項 一行安神禮及卒哭祭日皇帝不視事俟行禮畢
皇帝還內文武百僚詣文德殿進名奉慰次進名奉慰
皇后仍乞百司並作休務假 一合用祝文一首述以
為顯仁皇太后行卒哭祭之意御封降真香一合白幣
一段 一卒哭祭合用羊豕各一口及酒齊禮料等乞
從太常寺具合用數報臨安府收買排辦 一奉迎虞
主并行安神禮及行卒哭祭合差前導太常卿一員贊
引太常卿太常博士一員卒哭祭合差進幣爵酒官酌
酒官讀祝文官並乞依例差官詔依

二十四日禮部太常寺言將來顯仁皇太后掩櫛宮畢
虞主回詣慈寧殿安奉訖皇帝行安神燒香禮畢次宗
正卿以酒脯行安神禮所有合用香祝文幣帛酒脯等

并合差奉禮郎太祝太官令各一員並乞從太常寺依
自來祀祭禮例闕報所屬差官排辦其行禮官欲乞就
差權禮部侍郎楊椿充攝詔依

十二月四日禮部太常寺言檢會國朝故事神主祔廟
前二日皇帝親行卒哭之祭契勘令來顯仁皇太后神

主祔廟已選用十二月十四日所有行卒哭之祭合于

十二月十二日行禮詔依

宋會要十二月五日禮部太

光祿皇后上仙太常禮院言禮部奏而後廢而機卒

哭卒哭而後附廟景德中明德皇后以百日為祭哭蓋

古之士禮不當施於朝建路改卒哭為百日自是以前

慈聖光獻皇后及宣仁聖烈皇后遇百日更不減載外

建禮數皆如神主祔廟以前皇帝卒哭之祭又祔廟百官

並絕吉服祭期今日神主升祔廟太常寺欲乞行在文武

百官依元豐以前三日主升祔廟太常寺欲乞行在文武

帳並用黃參酌及紫禮於下廟前議定折衷可令給侍
誅同禮官攝之曰正者也自漢以來始有天子之建於
三代共之禮天子於中實行三年之喪而禮之變者十
三朝以宋天子於中實行三年之喪而禮之變者十
國變禮則天子於中實行三年之喪而禮之變者十
見明禮則天子於中實行三年之喪而禮之變者十
闕日稍久仁聖人皇凡月已聖事故附后凡四可
以即日稍久仁聖人皇凡月已聖事故附后凡四可
虞升祔之禮已畢在士庶之家猶百未葬三而若
遠令厚人之純吉無所不佩搭之內人尚貴為建又
在遠令厚人之純吉無所不佩搭之內人尚貴為建又
服黃便素候將上之衣既未谷純禮官格等宿具取旨
九日禮部太常寺言今月十二日顯仁皇太后卒哭祭
是日皇帝行禮今欲乞至日宰執文武百官並立班陪
位其儀範及排辦事件等並依虞祭已行儀注禮例施
行詔依

禮儀使奉迎虞主儀

其日俟顯仁皇太后虞主渡江至權安奉帷次引內謁者詣虞主腰輿前俛伏跪奏稱內謁者臣某言請顯仁皇太后虞主少駐奏訖俛伏輿少退俟威儀僧道儀衛親從等排立定禮直官引禮儀使都大主管官已下詣虞主帷前褥位立班定禮直官揖躬拜禮儀使拜在位官皆再拜訖次引禮儀使并詣虞主香案前揖笏上香再上香三上香執笏降復位再拜在位官皆再拜訖次引禮儀使都大主管官并詣帷分立定禮直官引內謁者詣虞主腰輿前俛伏跪奏稱內謁者臣某言請顯仁皇太后虞主進行奏訖俛伏輿退次威儀僧道儀衛親從等前引禮儀使後騎從都大主管官并主管諸司

等往來照管俟都主至麗正門禮儀使已下下馬步從

入麗正中門至慈寧殿門退其禮道止于麗正門外退其儀衛親從等止于慈寧

外宮退

皇帝奉迎虞主并安神禮儀

將至麗正門皇帝自內服履袍歸御幄簾降禮直官太常博士太常卿於幄前立定俟虞主將至殿門扶持夾侍捧腰輿入殿禮直官太常博士引太常卿當幄前佯伏跪奏稱太常卿臣某言請皇帝奉迎顯仁皇太后虞主行安神之禮奏訖佯伏興退復位簾捲前導官前導皇帝出幄詣殿門內奉迎虞主升殿至殿上權駐前導官前導皇帝於殿上稍東禱位少立次引內謁者詣虞主腰輿前佯伏跪奏稱內謁者臣某言請顯仁皇太后

虞主降輿升座權安奉奏訖俛伏興退內侍奉虞主升座啟匱于後以巾覆之訖少退前導官前導皇帝詣殿下將位西向立奏請拜皇帝再拜訖前導官前導皇帝升殿詣顯仁皇太后虞主香案前奏請皇帝上香再上香三上香又奏請拜皇帝再拜訖前導官前導皇帝降階復位西向立俟內侍啟中捧匱覆虞主訖前導官前導皇帝歸御幄簾降禮直官太常博士引太常卿當幄前俛伏跪奏稱太常卿臣某言禮畢奏訖俛伏興前導官退皇帝還內次宗正卿以酒脯行安神禮

卒哭祭儀

其日俟有司實設禮料畢禮直官引進幣爵酒官詣顯仁皇太后虞主香案之東西向立引讀祝文官詣香案

之西東向立酌酒官詣殿上酒尊之後北向立定次禮直官太常博士引太常卿於幄前立定皇帝自內歸御幄簾降次禮直官太常博士引太常卿當幄前俛伏跪奏稱太常卿臣某言請皇帝行卒哭之祭奏訖俛伏興退復位簾捲前導官前導皇帝出幄詣慈寧殿下褥位西向俟內俟啟匱于後以巾覆之訖奏請拜皇帝再拜訖內侍捧盤匱以進奏請皇帝盥手內侍沃水皇帝盥手內侍進巾奏請悅手皇帝悅手訖內侍進爵沃水奏請皇帝洗爵內侍進巾奏請拭爵皇帝拭爵訖內侍捧爵詣虞主前酒尊所跪酌酒官稽芻跪酌酒訖執芻興內侍捧幣爵詣進幣爵酒官之後立前導官前導皇帝升殿詣顯仁皇太后虞主香案前又奏請皇帝上香再

上香三上香進幣爵酒官西向跪先進幣次進爵又奏請皇帝跪受幣奠幣內侍取幣置於香案又奏請執爵三祭酒於茅苴奠爵進幣爵酒官受虛爵興以爵授內侍又奏請皇帝俛伏興少立讀祝文官東向搢笏跪讀祝文訖執笏興又奏請拜皇帝再拜訖前導官前導皇帝降階殿下褥位西向立候內侍啟巾捧匱覆虞主訖前導官前導皇帝歸御幄簾降禮直官太常博士引太常卿當幄前俛伏跪奏稱太常卿臣某言禮畢奏訖俛伏興前導官退皇帝還內

中興禮書第二百七十三卷

凶禮三十八

顯仁皇后

祔廟

紹興二十九年十月七日禮部太常寺言今參酌討論
到將來大行皇太后掩櫬宮畢神主祔廟依故事合用
虞主一神主一大匱二小匱二腰輿二汲水鐵絡桶二
全矮香案二紫羅衣白羅拭巾一長八尺筆硯墨二副青
羅巾二各長八尺行障二紫羅衣襯褥神主虞主紫羅褥子二
浴斛二跌座二褥子直几二衣全油絹帕二條各三單
匱紅羅夾帕二乞令工部下文思院修製詔依
十九日禮部太常寺言將來大行皇太后靈駕發引至

掩橫宮畢虞主回迎神主祔廟先行祔謁之禮今參酌
下項 一依禮經大行皇太后合升祔於徽宗皇帝室
顯肅皇后之次 一依禮例祔廟日先行祔謁太廟之
禮至日俟題神主畢合詣英宗室東壁西向祔祖姑之
下緣即今太廟殿室比之在京不同難以於英宗室前
設位今參酌凡附欲權宜趨那于室外之東依儀西向
設位詣大行皇太后神主前行禮詔依

十一月十一日禮部太常寺言將來掩橫宮畢虞主回
俟虞祭畢所有奉迎虞主并神主祔廟乞令太史局於
十二月上旬擇日如係十二月初四日掩橫即於中旬
擇日詔依二十三日太史局中選到祔廟日宜用十二
月十四日甲子時宜用其日丁時吉
十三日禮部太常寺言將來迎奉神主祔廟依故事參

酌下項 一奉迎虞主并神主祔廟依禮例合差禮儀

使一員係差宰臣 一奉迎虞主并神主祔廟依禮例

合差都大主管官一員係差內侍省官充詔依宋會要

十三日又官將未願仁皇后處祭畢奉虞主祔廟依故

事合差禮儀使一員係差宰臣都大主管官一員係差內侍

省官充詔押班吳元十五日顯仁皇太后梓宮發引前

一日文武百餘赴慈英宮朝闕訖次上

間門進名奉慰同日晝福未盡三刻入臨

十八日禮部太常寺言將來迎奉神主祔廟合行事件

下項 一依禮例祔廟前二日合奏告天地宗廟社稷

宮觀所有合差奏告官奉禮郎等官并合排辦事件乞

依自來奏告禮例申請及闕所屬差官排辦 一祔廟

日依故事前一日皇帝齋于內殿有司不奏刑殺文書

是日宰執齋于本廳陪位百官齋于本司其無本司官

齋于貢院員僚齋於本營廳事及致齋日治事如故事
唯不判書刑殺文書 一神主祔廟日乞依禮例皇帝
不視事祔廟行禮畢文武百僚詣文德殿進名奉慰次
進名慰皇后仍乞祔廟日并次日百司作休務假 一
乞依禮例行事執事官前十日受警戒於尚書省前三
日致齋其合用禮料酒齋等乞令太常寺依例牒臨安
府排辦 一祔廟合行饗太廟別廟禮合差薦香燈捧
俎官係太常寺申吏部差官 一奉迎虞主并神主祔
廟合差官闈令及合差內常侍內謁者并扶侍夾侍捧
腰與內侍乞令入內侍省差官 一祔廟欲乞依國
朝故事令行在應南班宗室赴赴騎導俟皇帝行奉辭
虞主禮畢還內自麗正門外騎導至太廟櫺星門外下

馬步導至權安奉帳次訖權退以俟陪位立班 一依

故事文武百僚服吉服陪位立班乞下御史臺閣門申

請 一乞依禮例設登歌宮架樂舞所有合用樂舞樂

章令太常寺條具申請排辦 一迎奉虞主詣太廟及

神主祔廟依禮例合用本殿儀衛及執打從物等導引

赴太廟乞令都大主管所關借見今慈寧殿從物等至

日導引赴太廟事畢送還本殿 一依禮例其謚冊寶

於虞主前陳列至太廟乞令禮部量人數差撥職掌接

衛照管詣太廟俟祔廟畢交割付太廟奉安所收管

一合用祝文 一十三首 太詣室一十一首並先行祔之禮

畢升柎于殿宗皇帝室詣顯廟前皇太后之神主

仁皇太后祝文一首述以顯仁皇太后之神主

堂之御封降真香乞令太常寺具合用數請降白帶一
十三段 一祔廟其太廟南神門外稍西東向合設權
安奉虞主神主帷次乞下儀鸞司同臨安府釘設排辦
一題神主訖合用漆匠一名并所用漆乞下文思院
差撥 一祔廟依禮例合差威儀僧道各一百人并合
差儀衛鞏官親從官及合差執打從物繖扇等並乞令
都大主管所指揮行下臨安府并所屬量人差撥排辦
一合用羊豕各一十三口並副羊豕各四口 一依
國朝故事用太常鼓吹左右金吾街仗自大內振作導
引至太廟所有今來顯仁皇太后神主祔廟欲乞依故
事并近奉安禮例用細仗二百人令兵部依例差撥其
鼓吹乞令太常寺祔儀仗人數條具差撥 一祔廟日

其別廟如常儀行禮外所有祔謁并祔饗修立儀注乞從太常寺修定聞報所屬詔依

二十一日禮部太常寺言將來行虞祭畢奉迎神主祔廟行寧神禮訖皇帝前導虞主行奉辭之禮今參酌條具到合行事件 一行寧神禮并奉辭合用香案香爐匙合上香炭火乞令祔廟都大主管諸司排辦合設御帳施簾并黃羅拜褥奏請紫褥 一奉迎迎奉辭虞主合用御封降真香并行禮日合差捲簾侍香內侍 一行寧神禮并奉辭虞主合差前導太常卿一員贊引太常卿太常博士一員乞依例輪差本寺官詔依 二十七日禮部太常寺言將來神主祔廟行饗太廟別廟禮合差初獻亞終獻獻泣誓刑部尚書監察御史兵

部尚書工部尚書押樂太常卿光祿卿押樂太常丞光祿丞奉禮郎登歌律郎宮架協律郎太祝太官令各一員內刑部尚書止赴受誓戒即不合致齋行事並乞朝廷降勅差官施行詔依

二十八日禮部太常寺言將來神主祔廟依故事用鼓吹儀仗并登歌宮架樂舞今條具下項 一鼓吹詞章合用道宮導引一曲欲乞令太常寺具腔譜申學士院修撰降下本寺教習 一今來見差發引祇應令丞職掌府典史引樂官歌色簫色篳篥笛色大鼓小鼓金鈺等欲乞就用上件人數教習祇應 一合用樂舞樂曲用時饗樂舞樂曲外所有添撰顯仁皇太后神主祔廟樂章一曲乞令學士院修撰降下本寺運誥教習 一

合用節奏樂正登歌宮駕舞師欲依時饗例內樂正并
登歌樂上並合前十日赴尚書省受誓戒所有合用登
歌宮架大樂就本寺見管數內揀選使用欲於懷遠驛
前期教習十日詔依

十二月二日禮部太常寺言十二月十四日神主祔廟
合前二日奏告天地宗廟社稷宮觀合差奏告官並令
於十二月十一日絕早赴逐處致齋至十二日行事畢
退乞於侍從官內差官內太廟於南班宗室內差官詔
依

四日禮部太常寺言十二月十四日神主祔廟十二月
十三日皇帝齋於內殿欲乞是日皇帝不視事詔依
八日御史臺閣門言迎奉神主祔廟日文臣乞用應釐

務不釐務通直郎已上及行在見任寺監主簿承務郎
已上職事官武臣乞用保義郎已上并三衛員僚已上
赴陪位立班詔依

神主祔廟導引詞

道官

返虞長樂猶是憶賓天何事駕龍駢籥茹儀衛辭宮闕
移仗入雲煙於皇清廟敞華筵昭穆謹承先千秋長奉
蒸嘗孝永饗中興年

皇帝行寧神禮并奉辭儀

其日儀仗鼓吹威儀僧道儀衛等於麗正門外排立定
禮直官太常博士引太常卿於恆前立定皇帝自內服
履袍至慈寧殿歸御幄簾降禮直官太常博士引太常

卿當帷前俛伏跪奏稱太常卿臣某言請皇帝行寧神奉辭之禮奏訖俛伏興退復位簾捲前導官前導皇帝出帷詣慈寧殿下褥位西向立俟內侍啟匱于後以中覆虞主訖奏請拜皇帝再拜訖前導官前導皇帝升殿詣顯仁皇太后虞主香案前奏請上香再上香三上香又奏請拜皇帝再拜訖前導官前導皇帝詣南宮門外御幄簾降禮直官太常博士引太常卿於帷前立次鞞官等腰輿詣慈寧殿下置定禮直官引內謁者詣虞主前俛伏跪奏稱內謁者臣某言請顯仁皇太后虞主降座升輿進行奏訖俛伏興退內侍啟中以匱覆虞主訖捧升輿與扶持侍捧腰輿詣殿下內侍捧虞主升輿與安奉訖鞞官擎腰輿進行俟虞主將至南宮門簾捲

前導官前導皇帝導虞主進行至麗正門外前導官前導皇帝詣褥位西向立內謁者詣虞主前俛伏跪奏內謁者臣某言請虞主少駐奏訖俛伏興退輦官置虞主腰輿定扶持夾侍輦官已下權退俟有司陳香案等畢前導官前導皇帝詣虞主香案前北向奏請拜皇帝再拜訖又奏請皇帝上香再上香三上香又奏請拜皇帝再拜訖前導官前導皇帝歸御殿簾降禮直官太常博士引太常卿當帷前伏俛跪奏稱太常卿臣某言禮畢奏訖俛伏興前導官退輦官擎虞主腰輿進行禮儀使都大主管官後從皇帝乘輦還內如常儀

神主祔廟儀

齊戒

前饗十日受誓戒於尚書省並如常饗受誓戒之儀

祔饗前一日

其日

省牲點饌五
如常饗儀同

點饌畢太廟奉安所捧神主腰輿詣

廟南神門外帷次并設浴斛案中香筆墨等於帷內

晨裸

饗日其日有司奉迎虞主詣太廟南神門外禮儀使都
大主管官後從至帷次權安奉訖禮儀使都大主管官
權退歸幕次僧道先退儀仗禁衛更互排立祠祭官引
宮闈令詣殿下再拜訖開室整拂神帷次引薦香燈官
入詣殿下北向再拜訖升殿詣諸室立定有司實設禮
料太官令監視訖退次引光祿卿詣殿下褥位再拜訖
升殿點閱畢次引監察御史升殿按視訖俱還齋所並

服祭服祔饗時將至禮直官引禮儀使詣神主帷前稍
南北向立次禮直官引都大主管官詣禮儀使之東北
向立少却次引內謁者入帷搯笏捧顯仁皇后神主詣
浴斛跪浴拭訖置于案執笏興退次引題神主官詣帷
前西向盥洗位搯笏盥手悅手訖執笏入帷詣顯仁皇
后神主案前搯笏跪題神主訖執笏興退有司漆之次
引內謁者詣神主案前搯笏捧神主置于腰輿以青羅
巾覆之執笏退次引扶侍夾侍官捧腰輿官捧神主腰
輿次于虞主腰輿訖次引禮儀使詣虞主前俛伏跪奏
稱禮儀使具官臣某言請顯仁皇后神靈上神主奏訖
俛伏興退復位次太廟奉安所捧遷虞主詣本廟用寶
殿權安奉次御史臺閣門太常寺分引宰執使相文武

百僚入詣殿庭分東西相向立北上禮直官贊者分引
祔饗行事官詣東神門外揖位立定禮直官贊揖訖俱
入就位立定祠祭官於殿上贊奉神主次引薦香燈官
入室措笏奉帝主啟匱于後中以白羅執笏退歸執事位
次引宮闈令措笏奉后主如上儀中以青羅執笏退歸執
事位祠祭官於殿上贊奉神主訖俟太史局報時及禮
直官引內常侍詣顯仁皇后神主帷前西向跪奏稱攝
內常侍臣某言請顯仁皇后神主進行奏訖俛伏興次
詣神主腰輿前取巾以匱覆訖次贊者引扶持夾侍捧
腰輿內侍詣帷捧腰輿進行內常侍前導禮直官引禮
儀使都大主管官後從入南神正門詣泰階下北向禁
衛退御史臺閣門太常寺分別宰執使相文武百僚合

班北向立定次引內常侍詣殿下褥位南向俛伏跪奏稱攝內常侍臣某言請顯仁皇后神主少駐伏興少退立禮直官引都大主管官先退次禮直官引禮儀使升自泰階詣殿上當中褥位北向俛伏跪奏稱禮儀使具官臣某言顯仁皇后神主祔謁奏訖俛伏興退歸本班次引宮闈令詣殿下神主腰輿前指笏捧神主升自泰階詣殿上當中褥位北向跪權設于座訖捧腰輿內侍捧腰輿并扶侍夾侍官退宮闈令啟顯仁皇后神匱設于後以青羅中覆之宮闈令執笏興少立俟祔謁訖宮闈令再指笏跪捧顯仁皇后神主興詣祔饗位置于座執事者捧神匱設于座後宮闈令執笏退歸執事位禮直官贊有司謹具請行事贊者曰拜在位官皆再拜訖次引監察

御史奉禮郎太祝太官令升殿各就位立定次引押樂
太常卿丞協律郎詣樂架立定次引初獻詣盥洗位北
向立搯笏盥手悅手執笏詣爵洗位北向立搯笏洗瓚
拭爵訖以瓚授執事者執笏升殿詣僖祖室尊彝所西
向立執事者以瓚授初獻初獻搯笏跪執瓚執彝者舉
罍太官令搯笏跪酌鬱鬯訖執笏興先詣翼祖室尊彝
所北向立初獻以瓚授執事者初獻執笏興入詣僖祖
室北向立搯笏跪次奉禮郎搯笏西向跪執事者以瓚
授奉禮郎奉瓚授初獻初獻執瓚以鬯裸地奠瓚次執
事者以帶授奉禮郎奉禮郎奉幣以授初獻訖執笏興
先詣翼祖室前西向立初獻受帶奠訖執笏俛伏興出
戶外再拜訖次詣翼祖室宣祖室太祖室太宗室真宗

引兵部尚書工部尚書詣西階下各搯笏捧俎升殿詣
僖祖室前宮架作豐安之樂北向跪奠訖先薦羊次薦
豕執笏俟俛伏興有司設置于位前次詣諸室及別廟
奉俎並如上儀樂止俱降復位初奠俎訖次引薦香燈
官取蕭合黍稷搗於脂燂于爐炭當饋熟之時薦香燈
官取菹搗於醢祭于豆間三又取黍稷肺祭如初俱藉
以茅退復位次引初獻再詣盥洗位正安之樂作升初獻
行上皆作升初獻北向立搯笏盥手悅手執笏詣爵洗位北向
正安之樂

搯笏洗爵拭爵授執事者執笏升殿詣僖祖室酌尊所
西向基命之樂作翼祖室大順之樂宣祖室天元之

定之樂 真宗宣顯仁皇太后神主承元之美成之神宗宣
宗宣治隆之樂 皆宗室重光之樂 主承元之美成之神宗宣
大剛之樂 皆宗室重光之樂 主承元之美成之神宗宣
宣承元之樂 皆宗室重光之樂 主承元之美成之神宗宣

以爵授初獻初獻搢笏跪執爵執尊者舉罍太官令搢
 笏跪酌酒訖執笏興先詣翼祖室酌尊所北向立初獻
 以爵授執事者執笏興入詣僖祖室北向立搢笏跪執
 爵三祭酒于茅苴奠爵執笏俛伏興出戶外少立次太
 祝東向搢笏跪讀祝文訖執笏興先詣翼祖室東向立
 初獻再拜訖次詣諸室行禮並如上儀訖俱復位立樂
 止次引亞獻詣盥洗位北向立搢笏盥手悅手執笏詣
 爵洗位北向立搢笏洗爵拭爵訖以爵授執事者執笏
 升殿詣僖祖室酌尊所西向立文安之樂作執事者以
 爵授亞獻亞獻搢笏跪執爵執尊者舉罍太官令搢笏
 跪酌酒訖執笏興先詣翼祖室酌尊所北向立亞獻以
 爵授執事者執笏興入詣僖祖室北向立搢笏跪執事

以爵授亞獻亞獻執爵三祭酒于茅苴奠爵執笏俛伏
興出戶外再拜訖次詣諸室行禮並如上儀訖樂止降
復位文舞退武舞進宮架正安之樂作舞者立定樂止
次引終獻詣洗及升殿作樂行禮並如亞獻之儀降復
位次引太祝徹豆豆各一俱恭安之樂作卒徹樂

止次引宮闈令束茅訖俱復位禮直官曰賜胙贊者曰

賜胙再拜在位官皆再拜訖送神興安之樂作一成止

祠祭官於殿上贊奉神入祔室次引薦香燈官搢笏奉

帝主人祔室執笏退復位次引宮闈令奉后主人入祔室

並如上儀訖退復位初贊奉神主人室引內侍詣殿

侍臣某言請顯仁皇后神主前伏跪奏稱內常

甫皇后之次安奉奏訖俛伏興次宮闈令捧顯仁皇后

次引却大主贊官往來照管祠祭官於殿上贊奉神

主人拓室訖次引初獻以下詣殿下望瘞位立定有司
取幣東茅置坎禮直官曰可瘞寘土半坎本廟宮闈令
監視次引初獻已下詣東神門外揖位立定禮直官贊
禮畢揖訖退御史臺閣門太常寺分引文武百僚以次
退太官令帥其屬徹禮饌次引監察御史詣殿上復位
監視收徹訖還齋所宮闈令閣戶以降乃退太常藏祝
版於夾室次光祿卿以胙奉進監察御史就位展視光
祿卿望闕再拜乃退

中興禮書第二百七十四卷

凶禮三十九

顯仁皇后

小祥

紹興三十年八月二日禮部太常寺言將來九月二十日顯仁皇后小祥今參酌比附國朝典故條具到合行事件 一小祥日欲乞依禮例皇帝詣几筵殿行祭奠之禮如宮中之儀 一檢照章獻明肅皇后小祥日前後各不視事二日并紹興七年禮例隨不視事日分放臣僚見謝辭今欲依上件典故施行大祥日 一檢照典故小祥前一日輔臣酌獻于皇儀殿并紹興七年禮例輔臣及待制已上管軍臣僚正任觀察使皇親進郡防

禦使已上詣几筵殿奠醑所有今來顯仁皇后小祥輔
臣已下欲乞權易黑帶詣几筵殿奠醑行禮畢換吉帶
退 一小祥日宰執文武百官詣几筵殿奠醑欲乞是
日並常服入赴皇城門內幕次權易黑帶去魚俟皇帝
詣几筵前行祭奠禮畢還內次宰執文武百官詣几筵
殿行燒香禮畢次率文武百僚詣文德殿門外立班進
名奉慰次進名奉慰皇后訖歸幕次換吉帶赴佛寺幕
次易黑帶去魚立班行香訖歸幕次換吉帶退及乞是
日百司就作休務假一日 一合用御封降真香三合
一合皇帝行禮一合宰執百官燒香一合輔臣奠醑燒香所有合用供養食茶酒果
等乞令几筵殿欽奉所關報所屬排辦 一小祥日文
武百僚詣佛寺行香合用御封降真香一合并合用顯

仁皇后牌一座用朱漆雕造青地金字書寫并蓋覆黃羅夾帕一條繫帶全并合用供養素食花果茶蠟燭手爐燈次倚卓什物等并令差僧道及功德疏行香香圓子並乞令臨安府同儀鸞司前期製造排辦釘設候行香畢所有位牌黃帕功德疏乞令臨安府委通判一員排辦紙五十束并柴草就佛寺內監視焚燒其行香寺院乞依例令臨安府踏逐文武百官可以立班行香寺院一前一日奠醑儀其日早俟几筵殿排辦供養食香茶酒果等訖御史臺閤門太常寺分引輔臣并合赴奠醑文武官詣几筵殿下北向立班定禮直官攝躬拜在位官皆再拜訖禮直官引班首升殿東階詣几筵香案前搢笏上香再上香三上香跪奠茶三奠酒執笏俛

二十四日禮部太常寺言將來顯仁皇后小祥檢准明德皇后典故景德三年三月十五日大祥三月四日詔以大祥俯遵自今後群臣起居于長春殿權罷蹈所有將來顯仁皇后小祥今欲比附上件典故自九月九日至二十日終權罷舞蹈詔依

九月十四日安德軍節度使龍神衛四廂都指揮使張子蓋等言將來顯仁皇后小祥前一日赴几筵殿行奠醑禮及至日進名奉慰及行香緣子蓋等見係免奉朝請之人乞特降指揮許赴赴返處立班及將來大祥亦乞依此詔依

十六日入內侍省言大理寺牒契勘今月二十日顯仁皇后小祥其日未審合與不合排辦設獄尋會太常

寺勘會合比附逐時忌辰體列排辦所有至日合差監
散設獄官請差官施行本省若依忌辰體列係差官於
御史臺大理寺臨安府設獄今取聖旨詔令御藥院差
官設獄

大祥差官
設獄仿此

十七日禮部太常寺言九月二十日顯仁皇后小祥已
降指揮前一日輔臣待制已上詣几筵殿奠醑行禮係
遵用景祐元年故事竊見今來權六曹侍郎新歷在太
中大夫之上班序在六曹侍郎之下竊慮亦合起赴詔
許起赴

大祥

紹興三十年三月八日禮部言秘書省狀太史局申將
來三十一年歷日內合與不合添入箋注顯仁皇后忌

辰事後批送部看詳申尚書省尋下太常寺看詳依國朝故事大祥後次年合箋注立忌所有將來顯仁皇后箋注立忌合於紹興三十二年歷日內箋注忌辰詔依三十一年七月二十五日禮部太常寺言將來九月二十日顯仁皇后大祥今參酌國朝故事比附到合行事件一依故事三年之喪變除服制二十五日為大祥間月擇日而禫祭二十七月終而除改朔從吉所有今來顯仁皇后大祥依故事合以紹興三十一年九月二十日為大祥十一月內擇日而禫祭十二月一日改朔從吉緣今來皇帝見為孝慈淵聖皇帝宮中行三年之喪其文武百官止常服黑帶去魚候附廟畢別行申降指揮一大祥禫祭依故例合差都大主管官一員主

管官一員主管一行事務係差近上內侍官充 一將
來大祥欲依故事至日文武百僚服常服黑帶去魚入
皇城門内幕次俟焚几筵訖詣文德殿門外立班進名
奉慰次進名奉慰皇后退詣仙林普濟院幕次以俟立
班行香如忌辰儀訖退 一依故例大祥合停決大辟
今欲乞前後各禁五日 一依故事大祥前文武百僚
合詣几筵殿奠醑今欲乞三日奠醑仍自九月十七日
十八日輔臣親王使相待制侍從以上并臺諫兩省官
知閣門管軍臣僚遙郡觀察使以上應行在南班宗室
官日一奠其十九日群臣皆入殿係文武百官入奠應
奠醑官並服常服黑帶去魚詣几筵殿立班奠醑訖退
內十七日俟朝殿退詣几筵殿立班奠醑 一今來大

祥應立班管乞依故事到闕未見遷官未謝已辭未發

並聽從趨赴立班 一大祥日百司就作休務假一日

一九月二十日大祥除几筵是日顯仁皇后几筵合

自几筵殿乘龍輿赴焚几筵處并大祥前三日輔臣以

下詣奠酌前一日宰執率文武百官詣几筵殿奠酌所

有經由門戶道路欲乞依例從几筵欽奉所措置闕報

施行 一合用御封降真香四合補二合前三日前一合

前一曰宰執文武百官奠酌所有奠酌各合用供養食

茶酒果蠟燭等乞依例令几筵欽奉所前期開報本殿

排辦 一仙林寺行香合用顯仁皇后位牌一座并供

養倚卓素食花果功德疏等應合排辦事件並乞依昨

小祥例令臨安府同儀鸞司製造排辦施行所有位牌

并黃帕等本府權行如法收奉候禫祭并禫除行香用
畢令本府所委官依小祥例排辦紫紙監視焚燒

九月十九日十八日輔臣以下十九日宰執文武百官

俱詣顯仁皇后几筵殿奠醑儀其日早應合赴立班官

服常服黑帶去魚詣皇城門內幕次俟几筵殿排辦供

養香茶酒果等訖御史臺閉門太常寺報班引詣几筵

殿下北向立班定禮直官揖躬拜在位官皆再拜訖禮

直官引班首升殿東階詣几筵香案前搢笏上香再上

香三上香跪奠茶三奠酒執笏俛伏興降階復位立禮

直官揖躬拜在位官皆再拜訖班退一焚几筵利方

依故例下太史局差人指定報都大所詔依

日國朝典故神明德皇后大祥詔特制。素之衣。祭。將。來。顯

仁皇 后 大祥 欲乞 依上 件 興 政 施行 一檢 會 明 德 皇
后 典 故 景 德 三 年 三 月 癸 卯 朔 大祥 依上 件 興 政 施行 一檢 會 明 德 皇
后 事 將 采 顯 一 仁 皇 后 大祥 日 欲 乞 依上 件 興 政 施行 一檢 會 明 德 皇
日 不 視 事 顯 一 仁 皇 后 大祥 日 欲 乞 依上 件 興 政 施行 一檢 會 明 德 皇
几 筵 殿 行 祥 祭 禮 次 除 靈 座 皇 帝 躬 親 扶 掖 別 設
一 筵 禮 使 先 行 奏 告 之 禮 大祥 後 間 月 擇 日 設
二 十 九 日 禮 部 大 常 寺 言 今 參 酌 下 項 一 依 故 事 大
祥 日 時 前 禮 儀 使 先 行 奏 告 之 禮 俟 夙 興 皇 帝 行 祥 祭
禮 至 焚 几 筵 時 前 皇 帝 詣 几 筵 前 躬 親 扶 護 几 筵 東 南
別 設 一 祭 所 有 將 來 顯 仁 皇 后 大祥 今 欲 乞 依 故 事 施
行 一 合 用 御 封 降 真 香 三 合 祝 文 一 首 述 以 大祥 除
几 筵 奏 告 之
禮 一 讀 祝 文 官 一 員 乞 於 六 曹 郎 官 內 差 充 一 合
用 禁 衛 班 直 親 從 官 等 乞 下 禁 衛 所 相 度 差 撥 前 一 日
絕 早 赴 几 筵 殿 晝 夜 更 互 排 立 乞 令 臨 安 府 下 僧 道 正
司 差 一 禮 儀 使 讀 祝 文 官 韋 宅 親 屬 位 陪 並 合 前 一

日宿齋 一禮儀使前一日早晚上香并時前奏告各
合用牙盤食茶酒果蠟燭燎草乞下諸司排辦詔依
八月九日大祥除几筵禫祭都大主管所言將來焚顯
仁皇后几筵據尅擇官狀依經照望在几筵殿西北係
是利方今踏逐到北宮門內宮地一段堪充焚几筵利
方詔依

十四日禮部太常寺言今參酌下項 一檢會國朝故
事大祥日皇帝服祥服係素紗軟脚帕頭白羅袍黑銀
帶至禫祭日釋祥服服禫服素紗軟脚帕頭淺色黃羅
袍黑銀帶所有將來顯仁皇后大祥日并禫祭日皇帝
所服欲依故事施行緣故事不載履鞋今乞用素履
一大祥日皇帝所服欲乞自內服見今所服御服出至

帷易祥服行祥祭禮至禫祭日俟皇帝自內服出至帷
釋祥服服禫服行禫祭禮 一合用祥服禫服乞下工
部令文思院計會御藥院製造詔依

十五日禮部太常寺言將來大祥依禮例韋宅親蜀並
各服衰服赴几筵殿陪位立班俟焚几筵畢除去衰服
服禫服素紗軟脚幘頭縵布公服布裏黑帶俟十一月
內擇日禫祭禮合服禫服赴几筵殿陪內位立班俟十
一月三十日除去禫服十二月一日並合服吉服若在
孝慈淵聖皇帝祔廟前止合常服黑帶去魚所有禫服
乞令本家製造有不該服衰服人並止合服常服黑帶
立班詔依

同日禮部太常寺言將來大祥皇行祥祭之禮今參酌

下項 一合用御封降真香 一合祝文一首

述以大祥
祭奠之意

幣帛一段 悅巾拭爵巾共二條

以熟白
酒充

一合差進幣爵

酒官一員酌酒官一員欲乞差六曹郎官讀祝文官一

員欲乞差史官前導太常卿一員贊引太常卿太常博

士一員欲乞輪請太常寺官並合前一日宿齋并合用

韋宅親屬陪位立班 一合差捲簾侍香捧爵捧祝版

執燭受爵幣等內侍 一合於几筵殿東廊西向設御

幄施簾並用純黃幕釘設及黃羅拜褥及奏請紫褥

一合用上香炭火及禮畢掌管焚祝幣火燭及柴草等

並乞從几筵提舉欽奉所行下本殿排辦 一合用羊

豕各一口并禮料酒齋蠟燭燎草及麗正門外合用宰

殺牲牢屋宇及饌造神食廚什物等並乞下臨安府神

殺牲牢屋宇及饌造神食廚什物等並乞下臨安府神

排辦 一合用籍祭器牙床二張銅麻爐香合香匙各
銀擺燭臺四隻漆盤匣一副並乞令工部指揮文思院
製造詔依

十六日禮部太常寺言除几筵皇帝躬親扶護神御東
南別設一祭今參酌下項 一合用御封降真香一合

祝文一首

述以除几筵時
前祭奠之意

幣帛一段并合用禮料酒齊

羊豕等及合差進幣爵酒官酌酒官讀祝文官前導太
常卿贊引太常卿太常博士及捲簾侍香捧爵捧祝版
執燭受爵幣供祠執事等內侍等並乞依大祥禮例施
行 一合差扶護几筵內侍四員 一合設御幄就用
祥祭已設御幄拜褥等 一合用焚几筵時刻指引利
方定時尅擇官乞下太史局差撥 一合用焚几筵塲

窰于乞下修內司計會尅擇官指引修砌 一今來焚
几筵後本殿宮人所服孝服合行一就於焚燒几筵處
焚燒並吉服還內詔依

九月六日禮部太常寺言將來大祥除几筵時前行奏
告之禮并大祥日皇帝行祥祭禮除几筵東南別設一
祭及禫祭行禮例合差禮儀使一員以宰臣充各於前
一日宿齋詔依

八日大祥除几筵禫祭都大主管官所言將來九月二
十日焚几筵據尅擇官狀今選定宜用當日巽時吉及
合差舉火官一員今依故例於本殿幹辦官內差其合
用柴草依例令臨安府應副詔依

十二日大祥除几筵禫祭都大主管所言據禮直官申

勘會將來顯仁皇后大祥焚几筵是日龍輿合自外入
赴几筵殿是日合入麗正中門經由南宮門入新置便
門中門赴几筵殿隨宜奉還升龍輿奉迎出新置便門
中門經由天章閣門前至修內司裏焚几筵處所有天
章閣門欲乞令本閣候是日奉迎几筵將至權用黃幕
時暫遮釘候過去拆於本寺典禮別無妨礙兼將來九
月十七日十八日輔臣已下并日十九日宰執率文武
百官詣几筵殿奠醑亦合入麗正門南宮經由新置便
門入赴几筵殿詔依宋會要九月二十三日恭拱殿進
祥已早望陰下少押孝思以副中外臣子之望上日大
月如馳人子之心望忘追慕語已注然康伯等日陞下
聖孝足以刑四海英更追慕語已注然康伯等日陞下
望聖抱可賜寬解

祥祭行禮儀

其日夙興前太常入陳祭器供設禮饌禁衛僧道權退

於殿門外排立次禮直官引禮儀使行事執事陪位官

各入就位立禮儀使前導執事陪位官供進盤匱及侍衛之官常服黑帶

進幣爵酒讀祝文的酒官執燭等官先升殿各就

位立次禮直官太常博士太常卿於帷前立定俟皇帝

夙興自內服淡黃袍黑鞋犀帶詣几筵殿側御帳簾降

皇帝舉哭俟哭止易祥服素紗軟脚帕頭白羅袍黑銀

帶素履訖次禮直官太常博士引太常卿當帷前俛伏

跪奏稱太常卿臣某言請皇帝為顯仁皇后大祥行祥

祭之禮奏訖俛伏興退復位簾捲前導官前導皇帝出

帷詣殿下褥位西向立太常卿奏請拜皇帝再拜在位

官皆再拜訖次內侍各執盤匱以進奏請皇帝盥手內

侍沃水皇帝盥手內侍進巾奏請悅手皇帝悅手訖內侍進爵沃水奏請皇帝洗爵內侍進巾奏請拭爵皇帝拭爵訖內侍捧爵詣酒尊所跪酌酒官搯笏跪酌酒訖執笏興內侍捧幣爵詣進幣爵酒官之後立前導官前導皇帝升詣顯仁皇后几筵前禱位立奏請皇帝跪上香再上香三上香進幣爵酒官跪先進幣次進爵又奏請皇帝受幣奠幣執爵三祭酒於地奠爵俛伏興奏請皇帝少立讀祝文官跪讀祝文訖奏請舉哭拜皇帝舉哭再拜在位官皆舉哭再拜訖哭止前導官前導皇帝降階詣殿下禱位西向立奏請拜皇帝再拜在位官皆再拜訖前導官前導皇帝歸帷簾降次禮直官太常博士引太常卿當帷前俛伏跪奏稱太常卿臣某言禮畢

奏訖俛伏興退復位禮儀使前導執事陪位官以次退
皇帝還內次引禮儀使執事官詣望燎位立俟焚燎祝
幣訖權退歸幕次禁衛僧道入殿依次更互排立

除几筵行禮儀

其日焚几筵時前禁衛僧道等權退於殿門外排立次

禮直官太常博士太常卿於帷前立定

禮儀使前導執事陪位官并供

進筵區等官及侍衛之官並常服黑帶去魚

俟皇帝自內服祥服詣几筵殿

側御帷簾降禮直官太常博士引太常卿當帷前俛伏
跪奏稱太常卿臣某言請皇帝躬親扶護几筵奏訖俛
伏興退復位簾捲前導官前導皇帝出帷詣殿下褥位
西向立太常卿奏請拜皇帝再拜訖前導官前導皇帝
升殿舉哭躬親扶護神御

內侍分左右扶護

至東南權安奉訖

哭止前導官前導皇帝降階歸帷簾降次太常入陳祭
器供設禮饌次引禮儀使執事陪位官各入殿就位立
定次進幣爵酒讀祝文的酒官執燭等官先降殿各就
位次禮直官太常博士引太常卿當帷前俛伏跪奏稱
太常卿臣某言請皇帝為顯仁皇后大祥除几筵行祭
奠之禮奏訖俛伏興退復位簾捲前導皇帝出帷並行禮
祭俛行禮畢引韋宅親屬詣殿下分左右立尅擇官報
時及引禮儀使升詣几筵前俛伏跪奏稱禮儀臣使某
言請顯仁皇后几筵降座升與奏訖俛伏興少退次內
侍扶護几筵升與輦官捧擎進行韋宅親屬分左右導
行禁衛護衛僧道作法事迎引禮儀使後從至焚几筵
處俟焚訖退

禪祭

紹興三十一年九月六日禮部太常寺言將來十一月三十日顯仁皇后禪除日今參酌到合行禮例一檢會故事禪除日前後各一日不坐其日不視事文武百僚進名奉慰訖詣佛寺行香所有將來十一月三十日禪除日欲乞依故事施行一乞令文武百僚服常服黑帶去魚詣文德殿門外立班進名奉慰次進名奉慰皇帝訖退詣仙林普濟院立班行香一合用御封降真香一合一行香合用顯仁皇后位牌帕就用大祥位牌外所有合用供養素食花果功德疏等應合排辦事件並乞依小祥例合臨安府同儀鸞司排辦其行香如忌辰行香之儀詔依

二十三日禮部太常寺言令參酌到禱除日皇帝親行

禱祭禮事件下項 一合用御封降真香二合祝文一

首

送以行禱祭禮之意

幣帛一段并用禮料酒齊羊豕等及合差

進幣爵酒官酌酒官讀祝文官前導太常卿贊引太常卿太常博士及捲簾侍香等內侍並乞依大祥禮例施

行 一禱祭乞於慈寧殿設位行禮并東廊西向合設

御帳施簾並用純黃幕釘設及黃羅拜褥并奏請紫褥

所有禮儀使并行事前導官并本家親屬及應奉人等

赴慈寧殿經由門戶道路乞依例令禱祭都大主管所

預先措置 一合用位牌一座乞指揮下臨安府用朱

漆雕造青地金字書寫用黃羅夾帕繫帶製造訖付禱

祭都大所請司送納用畢令臨安府排辦白紙三十束

並柴草各一束隨位牌祝文令禫祭詣司掌管焚燒并
合用設位行禮幔次簾幕倚卓花瓶麻爐蠟燭燭臺拜
褥等乞令禫祭都大所行下諸司所屬揀辦 一今來
禫祭前一日依例都大主管官不合守宿外其禮儀使
并行事前導官欲乞依禮例前一日各宿於本司章宅
親屬陪位官乞於麗正門外西廊待漏院宿仍乞至日
麗正門并南宮門及至慈寧殿一帶門戶并早一刻開
門放令前項行事官等赴趨行禮立班詔依
十月十四日詔顯仁皇后禫祭用十一月五日
四日禮部太常寺言禫祭用十一月五日行禮至日百
司作休務假一日詔依

禫祭行禮儀

其日夙興前太常入陳祭器供設禮饌次引進幣爵酒

讀祝文酌酒官執燭等官先升殿各就位立

禮儀使前導執事陪

位官供進盤匝內侍及侍衛之官並常服黑帶去魚次禮直官引禮儀使并韋宅

親屬陪位官各入就位立定禮直官太常博士引太常

卿於帷前立定俟皇帝夙興自內服祥服詣禋祭行禮

殿側御帷簾降皇帝舉哭俟哭止釋祥服服禋服素紗

軟脚帕頭淺黃色羅抱黑銀帶素服訖次禮直官太常

博士引太常卿當帷前俛伏跪奏稱太常卿臣某言請

皇帝為顯仁皇后行禋祭之禮奏訖俛伏興退復位簾

捲

行禮至同祥祭儀更不重載唯

皇帝還內次引禮儀

使執事官詣望燎位立俟焚燎祝幣訖退